



## KENYATAAN MEDIA MENTERI KANAN PERTAHANAN

7 JULAI 2021

### MENGENAI PERINTAH KAWALAN PERGERAKAN (PKP) DAN PERINTAH KAWALAN PERGERAKAN DIPERKETATKAN (PKPD)

#### Pemantauan dan Penguatkuasaan SOP COVID-19 di Sektor Perkilangan dan Premis Perniagaan

Seperti yang diumumkan sebelum ini, Kerajaan akan mempertingkatkan penguatkuasaan secara menyeluruh dari segi pemeriksaan ke atas kilang-kilang dan premis-premis perniagaan kerana terlalu banyak pelanggaran arahan kerajaan dan SOP yang telah diwartakan.

Semalam, pasukan Task Force Operasi Pematuhan telah melaksanakan 85,948 pemeriksaan dan snap check COVID-19 di seluruh negara dengan jumlah kekuatan anggota seramai 21,338 orang.

Ia termasuk pemeriksaan ke atas 2,239 kilang, 16,666 premis perniagaan, 641 tapak pembinaan dan 11,369 premis perniagaan.

Hasil daripada pemeriksaan tersebut, 29 premis meliputi kilang, premis perniagaan dan tapak pembinaan diarahkan tutup kerana gagal mematuhi SOP yang ditetapkan kerajaan.

## **PKPD seluruh Daerah Seremban, Negeri Sembilan**

Kementerian Kesihatan Malaysia (KKM) hari ini melaporkan situasi terkini kes COVID-19 di seluruh daerah Seremban, Negeri Sembilan yang terdiri daripada lapan (8) mukim iaitu:

- Mukim Ampangan
- Mukim Labu
- Mukim Lenggeng
- Mukim Pantai
- Mukim Rantau
- Mukim Rasah
- Mukim Seremban
- Mukim Setul

Hasil pemantauan yang telah dilakukan KKM mendapati, daerah ini mencatatkan peningkatan kes dan setakat 4 Julai 2021, sebanyak 5,504 kes aktif telahpun direkodkan di lokaliti ini.

Pada masa sama, KKM juga mengesahkan penularan kes masih berlaku dengan kadar kebolehjangkitan yang tinggi di lokaliti ini sekali gus memerlukan kaedah pemutusan jangkitan dengan segera.

Setelah membuat penilaian risiko bersama pelbagai agensi dalam Jawatankuasa Teknikal PKP dan atas nasihat KKM, Kerajaan bersetuju melaksanakan Perintah Kawalan Pergerakan Diperketatkan (PKPD) di seluruh daerah Seremban, Negeri Sembilan berkuat kuasa 9 Julai sehingga 22 Julai 2021.

Pelaksanaan PKPD ini untuk mengawal pergerakan penduduk di kesemua mukim yang terlibat serta mengekang penularan COVID-19.

## **PKPD Kampung Sungai Imam, Tawau, Sabah**

Kementerian Kesihatan Malaysia (KKM) hari ini melaporkan situasi terkini kes COVID-19 di Kampung Sungai Imam, Tawau, Sabah.

Terdapat peningkatan kes apabila KKM telah merekodkan 11 kes positif COVID-19 setakat ini dengan kadar kebolehjangkitan yang tinggi di lokaliti ini.

Setelah membuat penilaian risiko bersama pelbagai agensi dalam Jawatankuasa Teknikal PKP dan atas nasihat KKM, Kerajaan bersetuju melaksanakan Perintah Kawalan Pergerakan Diperketatkan (PKPD) di Kampung Sungai Imam, Tawau, Sabah berkuat kuasa 9 Julai sehingga 22 Julai 2021.

Pelaksanaan PKPD bertujuan untuk menyekat pergerakan dan penularan jangkitan dari kawasan berisiko keluar dari lokaliti tersebut.

## **PKPD 2 perkampungan di Putatan, Sabah**

Kementerian Kesihatan Malaysia (KKM) hari ini melaporkan situasi terkini kes COVID-19 di dua (2) perkampungan di Putatan, Sabah iaitu:

- Kampung Lembising
- Kampung Dumpil Keramat

Sehingga kini, sebanyak 17 kes positif telah dikesan di Kampung Lembising manakala di Kampung Dumpil Keramat, 10 kes direkodkan.

KKM juga mendapati berlaku peningkatan kes dalam tempoh singkat dengan kadar kebolehjangkitan yang tinggi di lokaliti ini.

Setelah membuat penilaian risiko bersama pelbagai agensi dalam Jawatankuasa Teknikal PKP dan atas nasihat KKM, Kerajaan bersetuju melaksanakan Perintah Kawalan Pergerakan Diperketatkan (PKPD) di dua (2) perkampungan di Putatan, Sabah berkuat kuasa 9 Julai sehingga 22 Julai 2021.

Pelaksanaan PKPD bertujuan untuk memastikan penduduk yang berisiko dijangkiti COVID-19 kekal berada dalam kawasan.

### **PKPD Kondominium One Borneo, Kota Kinabalu, Sabah**

Kementerian Kesihatan Malaysia (KKM) hari ini telah melaporkan situasi COVID-19 di Kondominium One Borneo, Kota Kinabalu, Sabah.

KKM mengesahkan terdapat peningkatan kes yang ketara dalam tempoh yang singkat apabila sebanyak 31 kes positif direkodkan hasil saringan ke atas 132 orang di lokaliti tersebut dengan kadar positifiti 23.5%.

Setelah membuat penilaian risiko bersama pelbagai agensi dalam Jawatankuasa Teknikal PKP dan atas nasihat KKM, Kerajaan bersetuju melaksanakan Perintah Kawalan Pergerakan Diperketatkan (PKPD) di Kondominium One Borneo, Kota Kinabalu, Sabah bermula dari 9 Julai hingga 22 Julai 2021.

Pelaksanaan PKPD ini untuk memastikan pergerakan penduduk di lokaliti ini dapat dikawal bagi mengelakkan penularan jangkitan COVID-19 ke kawasan lain.

### **PKPD Kwarters Pekerja Malaysia-China Kuantan Industrial Park (MCKIP), Gebeng, Kuantan, Pahang**

Kementerian Kesihatan Malaysia (KKM) hari ini melaporkan situasi terkini kes COVID-19 di Kwarters Pekerja Malaysia-China Kuantan Industrial Park (MCKIP), Gebeng, Kuantan, Pahang.

Setakat ini, KKM telah merekodkan 147 kes positif COVID-19 setelah menjalani 4,278 ujian saringan dengan kadar positifiti sebanyak 3.4%.

Setelah membuat penilaian risiko bersama pelbagai agensi dalam Jawatankuasa Teknikal PKP dan atas nasihat KKM, Kerajaan bersetuju melaksanakan Perintah Kawalan Pergerakan Diperketatkan (PKPD) di Kwarters Pekerja Malaysia-China Kuantan Industrial Park (MCKIP), Gebeng, Kuantan, Pahang berkuat kuasa 9 Julai sehingga 22 Julai 2021.

Pelaksanaan PKPD bertujuan untuk menjalankan pengesanan awal kes-kes disyaki COVID-19 supaya dapat diasingkan secepat mungkin.

## **PKPD Kawasan Perindustrian Indahpura serta tujuh (7) lokaliti dalam Kawasan Perindustrian Senai**

Kementerian Kesihatan Malaysia (KKM) hari ini telah melaporkan situasi COVID-19 di Kawasan Perindustrian dalam daerah Kulai, Johor (melibatkan Kawasan Perindustrian Indahpura serta tujuh (7) lokaliti dalam Kawasan Perindustrian Senai iaitu:

1. Kawasan Perindustrian Indahpura
2. Kawasan Perindustrian Senai:
  - Kawasan Industri Senai Fasa 1
  - Kawasan Industri Senai Fasa 2
  - Kawasan Industri Senai Fasa 3
  - Kawasan Industri Senai Fasa 4
  - Taman Perindustrian Senai
  - Taman Perindustrian Murni Senai
  - Senai Airport City (SAC)

KKM mengesahkan terdapat 7 kluster yang melibatkan kesemua lokaliti tersebut dengan jumlah kes yang sangat tinggi.

Setelah membuat penilaian risiko bersama pelbagai agensi dalam Jawatankuasa Teknikal PKP dan atas nasihat KKM, Kerajaan bersetuju melaksanakan Perintah Kawalan Pergerakan Diperketatkan (PKPD) di Kawasan Perindustrian Indahpura serta tujuh (7) lokaliti dalam Kawasan Perindustrian Senai seperti yang dinyatakan bermula dari 9 Julai hingga 22 Julai 2021.

Pelaksanaan PKPD ini untuk memastikan pergerakan penduduk di lokaliti ini dapat dikawal bagi mengelakkan penularan jangkitan COVID-19 ke kawasan lain.

## **PKPD 2 Taman Perumahan di Kota Bharu, Kelantan**

Kementerian Kesihatan Malaysia (KKM) hari ini melaporkan situasi terkini kes COVID-19 di dua (2) Taman Perumahan dalam daerah Kota Bharu, Kelantan iaitu:

- Taman Kurnia Jaya
- Taman Pinggiran Golf

Hasil pemantauan yang telah dilakukan KKM mendapati trend kes meningkat dan setakat ini, 36 kes positif direkodkan hasil daripada 83 saringan dengan kadar positifiti 43.4%.

Setelah membuat penilaian risiko bersama pelbagai agensi dalam Jawatankuasa Teknikal PKP dan atas nasihat KKM, Kerajaan bersetuju melaksanakan Perintah Kawalan Pergerakan Diperketatkan (PKPD) di dua (2) Taman Perumahan dalam daerah Kota Bharu, Kelantan berkuat kuasa 9 Julai sehingga 22 Julai 2021.

Pelaksanaan PKPD akan membantu aktiviti pengesanan kes dan saringan kontak dengan berkesan supaya kes dan kontak dapat diasingkan dengan segera.

## **PKPD Kampung Balibata, Beaufort, Sabah**

Kementerian Kesihatan Malaysia (KKM) hari ini melaporkan situasi terkini kes COVID-19 di Kampung Balibata, Beaufort, Sabah.

Setakat ini, KKM telah merekodkan 12 kes positif COVID-19 setelah menjalani 25 ujian saringan di lokaliti tersebut dengan kadar positifiti sebanyak 48.00%.

Setelah membuat penilaian risiko bersama pelbagai agensi dalam Jawatankuasa Teknikal PKP dan atas nasihat KKM, Kerajaan bersetuju melaksanakan Perintah Kawalan Pergerakan Diperketatkan (PKPD) di Kampung Balibata, Beaufort, Sabah berkuat kuasa 9 Julai sehingga 22 Julai 2021.

Pelaksanaan PKPD bertujuan untuk menyekat pergerakan dan penularan jangkitan COVID-19 dari kawasan berisiko keluar dari lokaliti tersebut.

### **PKPD Kampung Pintasan, Kota Belud, Sabah**

Kementerian Kesihatan Malaysia (KKM) hari ini melaporkan situasi terkini kes COVID-19 di Kampung Pintasan, Kota Belud, Sabah.

Setakat ini, KKM telah merekodkan 11 kes positif COVID-19 setelah menjalani 34 ujian saringan di lokaliti tersebut dengan kadar positifiti sebanyak 32.35%.

Setelah membuat penilaian risiko bersama pelbagai agensi dalam Jawatankuasa Teknikal PKP dan atas nasihat KKM, Kerajaan bersetuju melaksanakan Perintah Kawalan Pergerakan Diperketatkan (PKPD) di Kampung Pintasan, Kota Belud, Sabah berkuat kuasa 9 Julai sehingga 22 Julai 2021.

Pelaksanaan PKPD bertujuan untuk menyekat pergerakan dan penularan jangkitan COVID-19 dari kawasan berisiko keluar dari lokaliti tersebut.

### **PKPD Kampung Istimewa, Batu Sapi, Sandakan, Sabah**

Kementerian Kesihatan Malaysia (KKM) hari ini melaporkan situasi terkini kes COVID-19 di Kampung Istimewa, Batu Sapi, Sandakan, Sabah.

Sehingga kini, KKM telah melakukan 238 ujian saringan dan sebanyak 25 kes positif COVID-19 telah direkodkan dengan kadar positifiti 10.50 %.

Setelah membuat penilaian risiko bersama pelbagai agensi dalam Jawatankuasa Teknikal PKP dan atas nasihat KKM, Kerajaan bersetuju melaksanakan Perintah Kawalan Pergerakan Diperketatkan (PKPD) di Kampung Istimewa, Batu Sapi, Sandakan, Sabah berkuat kuasa 9 Julai sehingga 22 Julai 2021.

Pelaksanaan PKPD bertujuan untuk menyekat pergerakan dan penularan jangkitan COVID-19 dari kawasan berisiko keluar dari lokaliti tersebut.

## **Penamatan Awal PKPD Kampung Tahak, Membakut, Beaufort, Sabah**

Kerajaan sebelum ini telah melaksanakan Perintah Kawalan Pergerakan Diperketatkan (PKPD) di Kampung Tahak, Membakut, Beaufort, Sabah yang dijadualkan tamat pada 9 Julai 2021.

Sepanjang tempoh itu, KKM telah melakukan 161 ujian saringan dan 10 daripadanya disahkan positif COVID-19.

Pada masa sama, KKM mengesahkan trend kes telah menurun dan kluster adalah terkawal manakala semua kes positif telah menerima rawatan.

Setelah membuat penilaian risiko bersama pelbagai agensi dalam Jawatankuasa Teknikal PKP dan atas nasihat KKM, Kerajaan bersetuju menamatkan PKPD di Kampung Tahak, Membakut, Beaufort, Sabah pada 8 Julai 2021 (11.59 malam), lebih awal daripada yang dijadualkan.

## **Penamatan PKPD Kampung Pulau Tukang Dollah, Kemumin, Kota Bharu, Kelantan**

Kerajaan sebelum ini telah melaksanakan Perintah Kawalan Pergerakan Diperketatkan (PKPD) di Kampung Pulau Tukang Dollah, Kemumin, Kota Bharu, Kelantan yang dijadualkan tamat pada 8 Julai 2021.

Sepanjang tempoh itu, KKM telah melakukan 868 ujian saringan dan 52 daripadanya disahkan positif COVID-19. KKM mengesahkan berlaku penurunan kes dan kluster adalah terkawal manakala semua kes positif telah menerima rawatan.

Setelah membuat penilaian risiko bersama pelbagai agensi dalam Jawatankuasa Teknikal PKP dan atas nasihat KKM, Kerajaan bersetuju menamatkan PKPD di Kampung Pulau Tukang Dollah, Kemumin, Kota Bharu, Kelantan pada 8 Julai 2021 (11.59 malam), seperti yang dijadualkan.



### **Penamatan PKPD Kampung Tambulion Ulu, Kota Belud, Sabah**

Kerajaan sebelum ini telah melaksanakan Perintah Kawalan Pergerakan Diperketatkan (PKPD) di Kampung Tambulion Ulu, Kota Belud, Sabah yang dijadualkan tamat pada 8 Julai 2021.

Dalam tempoh itu, KKM telah melakukan 165 ujian saringan dan 17 daripadanya disahkan positif COVID-19. KKM mengesahkan berlaku penurunan kes dan kluster adalah terkawal manakala semua kes positif telah menerima rawatan.

Setelah membuat penilaian risiko bersama pelbagai agensi dalam Jawatankuasa Teknikal PKP dan atas nasihat KKM, Kerajaan bersetuju menamatkan PKPD di Kampung Tambulion Ulu, Kota Belud, Sabah pada 8 Julai 2021 (11.59 malam), seperti yang dijadualkan.

### **Penamatan PKPD Kampung Kukut, Beaufort, Sabah**

Kerajaan sebelum ini telah melaksanakan Perintah Kawalan Pergerakan Diperketatkan (PKPD) di Kampung Kukut, Beaufort, Sabah yang dijadualkan tamat pada 8 Julai 2021.

Dalam tempoh itu, KKM telah melakukan 161 ujian saringan dan 29 daripadanya disahkan positif COVID-19. Terdapat penurunan kes dan kluster adalah terkawal manakala semua kes positif telah menerima rawatan.

Setelah membuat penilaian risiko bersama pelbagai agensi dalam Jawatankuasa Teknikal PKP dan atas nasihat KKM, Kerajaan bersetuju menamatkan PKPD di Kampung Kukut, Beaufort, Sabah pada 8 Julai 2021 (11.59 malam), seperti yang dijadualkan.

## **Task Force Operasi Pematuhan**

Task Force Operasi Pematuhan yang diketuai Polis Diraja Malaysia (PDRM) telah melakukan 85,948 pemeriksaan semalam, bagi memantau dan menguatkuasakan pematuhan Prosedur Operasi Standard (SOP) Perintah Kawalan Pergerakan (PKP).

Semalam, 635 individu ditahan atas kesalahan ingkar SOP. Daripada jumlah itu, seramai 590 individu dikompaun manakala 45 lagi direman.

Antara kesalahan direkodkan ialah:

- Gagal merekod butiran diri/daftar masuk premis (87)
- Bawa penumpang berlebihan (76)
- Tiada penjarakan fizikal (74)
- Tidak memakai pelitup muka (68)
- Tidak mematuhi arahan kawalan pergerakan (51)
- Lain-lain (279)

## **Kawalan Sempadan Negara**

Operasi BENTENG (Op BENTENG) semalam telah menangkap lapan (8) orang Pendatang Asing Tanpa Izin (PATI) serta merampas tujuh (7) buah kenderaan darat.

Op BENTENG melibatkan Angkatan Tentera Malaysia (ATM), Polis Diraja Malaysia (PDRM), Agensi Penguatkuasaan Maritim Malaysia (APMM) dan Agensi Keselamatan Sempadan Malaysia (AKSEM) serta agensi-agensi keselamatan lain turut menjalankan 1,176 Sekatan Jalan Raya (SJR) semalam iaitu:

- Op PENAWAR/SJR PKP - 1,122 SJR
- Op BENTENG PDRM/ATM/RELA - 45 SJR
- Op BENTENG AKSEM - 9 SJR

## **Operasi Sanitasi Awam**

Semalam, sebanyak 183 operasi sanitasi dilakukan meliputi 71 zon merah, zon jingga (4) dan zon kuning (9) di seluruh negara.

Operasi sanitasi ini melibatkan 1,168 anggota Jabatan Bomba dan Penyelamat Malaysia (JBPM) dan 221 Pihak Berkuasa Tempatan (PBT) serta 189 buah jentera JBPM.

Secara kumulatifnya, sebanyak 30,884 operasi sanitasi yang merangkumi 157 zon telah dilakukan sejak 30 Mac 2020. Operasi sanitasi melibatkan pusat perniagaan, kawasan perumahan termasuk Projek Perumahan Rakyat (PPR), tempat awam, pasar raya dan bangunan kerajaan.

## **Kuarantin Wajib**

Semalam, seramai 656 individu tiba di semua pintu masuk antarabangsa dan semuanya telah dikuarantin di stesen-stesen kuarantin di seluruh negara.

Secara kumulatifnya, sejak 24 Julai 2020, seramai 243,564 individu telah pulang ke tanah air dan kesemua ditempatkan di 75 hotel dan 10 Institut Latihan Awam (ILA) serta Institut Pengajian Swasta di seluruh negara.

Daripada jumlah itu, seramai 9,729 individu telah dikuarantin dan 230,846 orang dibenarkan pulang manakala 2,989 lagi dibawa ke hospital.

## **Barang Keperluan Asas**

Pemantauan serta pemeriksaan oleh anggota Penguatkuasa Kementerian Perdagangan Dalam Negeri dan Hal Ehwal Pengguna (KPDNHEP) di peringkat peruncit dan pemborong mendapati bekalan makanan adalah stabil dan mencukupi.

Semalam, KPDNHEP telah membuat 802 pemantauan harian ke atas 10 jenis bekalan barangan terdiri daripada peringkat peruncit (615), pemborong (155) dan pengilang (32).

KPDNHEP juga telah melakukan 1,789 pemeriksaan khas pematuhan SOP dan daripada jumlah itu, 1,775 premis mematuhi SOP yang ditetapkan manakala 12 premis dikompaun dan dua (2) diberi amaran.

## **Saringan Wajib Pekerja Warga Asing**

Semalam, seramai 31 warga asing telah menjalani ujian saringan dan satu (1) kes positif COVID-19 direkodkan.

Secara kumulatifnya, Kementerian Sumber Manusia (KSM) memaklumkan seramai 700,402 pekerja warga asing telah menjalani ujian saringan COVID-19 yang melibatkan 36,404 majikan.

Daripada jumlah itu, seramai 10,385 orang telah disahkan positif COVID-19 manakala 690,017 lagi adalah negatif.

Sehingga kini, sebanyak 1,544 buah klinik telah terlibat dengan program saringan ini.

**Amalkan “Lockdown” sendiri. Kekal di rumah dan amalkan gaya hidup sihat bersama keluarga dalam lingkungan kawasan rumah sendiri.**

Terima kasih.

**#StaySafeStayHome #AmalkanKawalanKendiri**

**YB DATUK SERI ISMAIL SABRI YAAKOB  
MENTERI KANAN PERTAHANAN**